

Në bazë të nenit 23 paragrafi 5 të Ligjit për arsimin e mesëm (“Gazeta zyrtare e Republikës së Maqedonisë” nr. 44/95, 24/96, 34/96, 35/97, 82/99, 29/02, 40/ 03, 42/03, 67/04, 55/05, 113/05, 35/06, 30/07, 49/07, 81/08, 92/08, 33/10, 116/10, 156/10, 18/ 11, 51/11, 6/12, 100/12, 24/13, 41/14, 116/14, 135/14, 10/15, 98/15, 145/15, 30/16, 127/ 16, 67/17 dhe 64/18 dhe “Gazeta Zyrtare e Republikës së Maqedonisë së Veriut” nr. 229/20), Ministri i Arsimit dhe Shkencës miratoi

K A L E N D A R **PËR ORGANIZIMIN E VITIT SHKOLLOR 2022/2023** **NË SHKOLLAT E MESME PUBLIKE**

Neni 1

Me këtë kalendar përcaktohet organizimi i vitit shkollor në shkollat e mesme publike në përputhje me njësitë programore në vitin shkollor: gjysmëvjetori, format e tjera të veprimtarisë edukativo arsimore dhe pushimet e nxënësve për vitin shkollor 2022/2023.

Neni 2

Viti shkollor në shkollat e mesme publike fillon më 1 shtator 2022 dhe përfundon më 31 gusht 2023.

Viti shkollor fillon më 1 shtator 2022 dhe përfundon më 9 qershor 2023, me përjashtim të nxënësve të vitit të fundit të arsimit të mesëm, arsimit profesional me kohëzgjatje katërvjeçar dhe trevjeçar, arsimit artistik dhe arsimit të mesëm profesional për nxënësit me nevoja të veçanta arsimore për të cilët mësimi i rregullt përfundon më 18 maj 2023.

Neni 3

Viti shkollor përbëhet nga dy gjysmëvjetora - gjysmëvjetori I dhe II.

Gjysmëvjetori i parë fillon më 1 shtator 2022 dhe përfundon më 30 dhjetor 2022.

Gjysmëvjetori i dytë fillon më 18 janar 2023 dhe përfundon më 9 qershor 2023.

Neni 4

Gjatë vitit shkollor nxënësit përdorin pushimet dimërore dhe verore.

Pushimi dimëror fillon më 31 dhjetor 2022 dhe përfundon më 17 janar 2023.

Pushimi verorë fillon më 10 qershor 2023 dhe përfundon më 31 gusht 2023.

Neni 5

Për nxënësit e viteve të fundit të arsimit të mesëm, të cilët do t'i nënshtrohen maturës shtetërore, maturës shkollore ose provimit përfundimtar në periudhën e provimeve të qershorit, shkollat e mesme publike në periudhë prej 19 maj deri më 26 maj të vitit 2023 do të organizojnë orë përgatitore, konsultime dhe forma të tjera ndihme për nxënësit që duhet

t'i nënshtrohen provimeve korigjuese, provimi i vitit, provimet plotësuese, provimet për avancim më të shpejtë, provimet interne dhe përfundimtare.

Për studentët nga paragrafi 1 i këtij neni, dhënia e provimeve korigjuese, provimet e vitit, provimet plotësuese dhe provimet për avancim më të shpejtë në afatet e provimit të majit do të organizohen nga data 19 maj deri më 26 maj 2023.

Për nxënësit e viteve të fundit të arsimit të mesëm, të cilët do t'i nënshtrohen maturës shtetërore, maturës shkollore ose provimit përfundimtar në periudhën e provimeve të gushtit, shkollat e mesme publike nga data 13 qershor deri më 30 qershor 2023 do të organizojnë orë përgatitore, konsultime dhe forma të tjera ndihme për nxënësit që duhet t'i nënshtrohen provimeve korigjuese, provimi i vitit, provimet plotësuese, provimet për avancim më të shpejtë, provimet interne dhe përfundimtare.

Për nxënësit nga paragrafi 3 i këtij neni, dhënia e provimeve korigjuese, provimet e vitit, provimet plotësuese dhe provimet për avancim më të shpejtë në afatet e provimit të qershorit do të organizohen nga data 13 deri më 30 qershor 2023.

Shkollat e mesme publike në periudhën nga data 14 qershor deri më 21 qershor 2023 dhe nga data 8 gusht deri më 15 gusht 2023 për nxënësit e vitit të parë, të dytë dhe të tretë organizojnë orë përgatitore, konsultime dhe forma të tjera ndihme për nxënësit që duhet t'i nënshtrohen provimeve korigjuese, provimi i vitit, provimet plotësuese dhe provimet për avancim më të shpejtë.

Për nxënësit nga paragrafi 5 i këtij neni, dhënia e provimeve korigjuese, provimet e vitit, provimet plotësuese dhe provimet për avancim më të shpejtë në afatet e provimit të qershorit do të organizohen nga data 14 deri më 30 qershor 2023, ndërsa në afatet e provimit të gushtit do të organizohet nga data 8 gusht deri më 18 gusht 2023.

Neni 6

Provimet eksterne nga provimi i maturës shtetërore në arsimin e mesëm dhe arsimin profesional katërvjeçar në periudhën e provimeve të qershorit zhvillohen në këto afate:

- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke më 27 maj 2023, duke filluar nga ora 10:00;
- Gjuha Angleze, Gjuha Frënge, Gjuha Gjermane, Gjuha Ruse dhe Matematika më 10 qershor 2023 duke filluar nga ora 10:00.

Për nxënësit nga paragrafi 1 i këtij neni, të cilët në afatet e provimit të qershorit nuk kanë dhënë një pjesë ose të gjitha provimet e maturës shtetërore në arsimin e mesëm dhe atë profesional katërvjeçar, ose për arsye të arsyeshme nuk e kanë dhënë provimin e maturës shtetërore ose pjesë të provimit të maturës shtetërore në arsimin e mesëm dhe arsimin profesional katërvjeçar në afatet e provimeve të qershorit, në muajin gusht organizohet afati i dytë i provimit në këto afate:

- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke më 9 gusht 2023, duke filluar nga ora 10:00;
- Gjuha Angleze, Gjuha Frënge, Gjuha Gjermane, Gjuha Ruse dhe Matematika 11 gusht 2023 duke filluar nga ora 10:00;

Provimet eksterne nga matura shtetërore në arsimin artistik në periudhën e provimeve të qershorit zhvillohen në këto afate:

- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke më 27 maj 2023 duke filluar nga ora 10:00;
- Gjuha angleze, Gjuha Frënge, Gjuha Gjermane, Gjuha Ruse, Filozofia, gjegjësisht Estetika me datë 10.06.2023 duke filluar nga ora 10:00.
- Për nxënësit nga paragrafi 3 i këtij neni, të cilët nuk kanë dhënë një pjesë ose të gjitha provimet e maturës shtetërore në arsimin artistik në periudhën e provimeve të qershorit ose për arsye të arsyeshme nuk kanë dhënë provimin e maturës shtetërore ose një pjesë të provimit të maturës shtetërore në arsimin artistik në periudhën e provimeve të qershorit organizohet provimi i dytë në muajin gusht në afatet e mëposhtme:
- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke më 9 gusht 2023 duke filluar nga ora 10:00;
- Gjuha angleze, Gjuha Frënge, Gjuha Gjermane, Gjuha Ruse, Filozofia, gjegjësisht Estetika më 11 gusht 2023 duke filluar nga ora 10:00.

Provimet e brendshme nga pjesa me zgjedhje e provimit të maturës shtetërore zhvillohen në terma të përcaktuara nga komisioni i maturës shkollore me propozimin e komisioneve lëndore përkatëse të shkollës, përkatësisht:

- në periudhën e provimeve të qershorit në periudhën 13 qershor deri më 30 qershor 2023 dhe
- në periudhën e provimeve të gushtit në periudhën nga 15 gusht deri më 18 gusht 2023.

Prezantimi dhe mbrojtja e detyrës projektuese për nxënësit e arsimit të mesëm, të mesëm profesional dhe të arsimit artistik realizohet në periudhën nga 10 mars deri më 12 maj 2023 dhe nga 18 gusht deri më 24 gusht 2023.

Neni 7

Matura shkollore në arsimin e mesëm, diplomimi në arsimin artistik dhe provimi përfundimtar në arsimin profesional katërvjeçar zhvillohen në dy periudha provimesh, përkatësisht: qershor dhe gusht.

- Në periudhën e provimeve të qershorit:
 - pjesa e detyrueshme (Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke) më 12 qershor 2023, duke filluar nga ora 9:00. Bo periudha e provimit të gushtit:
 - pjesa e detyrueshme (Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke) më 14 gusht 2023, duke filluar nga ora 9:00.

Provimi nga pjesa fakultative e provimit të maturës shkollore në shkollën e mesme dhe në arsimin artistik, provimi nga pjesa fakultative e provimit përfundimtar në arsimin profesional katërvjeçar dhe detyra e projektit zhvillohen në afate të përcaktuara nga komisioni i maturës së shkollës me propozimin e komisioneve lëndore përkatëse të shkollës, edhe atë:

- në periudhën e provimeve të qershorit nga data 13 qershor deri më 30 qershor 2023 dhe

- në periudhën e provimeve të gushtit nga data 15 gusht deri më 23 gusht 2023.

Prezantimi dhe mbrojtja e detyrës projektuese për nxënësit e arsimit të mesëm, të mesëm profesional dhe të arsimit artistik realizohet në periudhën nga 10 mars deri më 12 maj 2023 dhe nga 18 gusht deri më 24 gusht 2023.

Neni 8

Provimi përfundimtar në arsimin profesional trevjeçar zhvillohet në tri afate: qershor, gusht dhe janar.

Në afatin e qershorit:

- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke, më 12 qershor 2023, duke filluar nga ora 09:00.

Në afatin e gushtit:

- Gjuhë dhe letërsi Maqedone, Gjuhë dhe letërsi Shqipe, gjegjësisht Gjuhë dhe letërsi Turke, më 14 gusht 2023, duke filluar nga ora 09:00.

Në afatin e janarit - gjatë pushimeve dimërore të nxënësve.

Puna praktike individuale në arsimin profesional trevjeçar kryhet sipas afateve të përcaktuara nga komisioni i maturës shkollore me propozimin e komisioneve lëndore përkatëse të shkollës.

Neni 9

Puna edukativo-arsimore për nxënësit organizohet gjatë gjithë javës së punës.

Neni 10

Gjatë vitit shkollor në shkollat e mesme publike, në vitin e fundit të arsimit realizohen së paku 166 ditë mësimore dhe për të gjitha vitet e tjera të arsimit realizohen të paktën 180 ditë mësimore.

Neni 11

Në ditën e shkollës organizohen ngjarje kulturore, sportive dhe të tjera.

Dita tradicionale e arsimit për pjesëtarët e komuniteteve që ndjekin mësimin në gjuhë të ndryshme nga Gjuha Maqedone shënohet me organizimin e manifestimeve kulturore dhe të tjera.

Dita e shkollës dhe dita tradicionale e arsimit për pjesëtarët e komuniteteve që ndjekin mësimin në gjuhë të ndryshme nga Gjuha Maqedone, janë ditë mësimore kur zhvillohen programe të veçanta.

Neni 12

Ditët e punës kur kryhen ekskursionet e nxënësve dhe dita e shkollës janë ditë mësimore kur zhvillohen programe të veçanta.

Për nxënësit që nuk ndjekin ekskursionet, shkolla organizon mësim të rregullt në përputhje me orarin mësimorë.

Neni 13

Praktika realizohet në varësi të specifikës së profilit arsimor dhe realizohet gjatë pushimeve verore të nxënësve.

Neni 14

Me ditën e fillimit të zbatimit të këtij kalendari, pushon të vlejë kalendari për organizimin e vitit shkollor 2021/2022 në shkollat e mesme publike (“Gazeta Zyrtare e Republikës së Maqedonisë së Veriut” nr. 168/21, 13/22, 108/22 dhe 116/22).

Neni 15

Ky kalendar hyn në fuqi në ditën e tetë nga dita e publikimit në “Gazetën Zyrtare të Republikës së Maqedonisë së Veriut”, dhe do të fillojë të zbatohet nga 1 shtatori 2022.

Бр./Nr. 18-9448/1
Viti 09.08.2022
Shkup

Министер за образование и наука,
Ministër i Arsimit dhe Shkencës,
Doc. Dr. Jeton Shaqiri